

西湖志  
五

南山分脉城内勝蹟

共十六

ル 5  
1097  
5



1097  
5




西湖遊覽志第十五卷

南山分脉城內勝蹟

官署

巡撫都察院巡按察院巡鹽察院清軍察院布政使  
司布政分司都指揮使司都轉鹽運使司杭州府杭  
州前衛杭州右衛仁和縣錢塘縣杭州府儒學仁和  
縣儒學錢塘縣儒學織造府吳山書院市舶司杭州  
府稅課司武林驛鹽倉批驗所惠民局

巡撫都察院八裕民坊在通江橋東舊為清軍察



院嘉靖二十一年以海寇擾越中設都御史提督軍務以堽爲行臺

鎮東樓舊名保安樓總制新安胡公宗憲建萬曆十一年司馬銅梁張公佳胤重建規制雄偉爲會城大觀張公自爲記

巡按察院在正陽門北元時置江南行御史臺歲遣監察御史二員分巡省地當時有兩察院一在按察司右紀家橋邊者名北察院守省御史居之一在朝天門外正陽門北者名南察院監燒繒鈔御史居之卽今所也 國朝歲遣御史

分巡浙江則猶元時守省之職而按察使副使僉事與御史參舉吏治其初權等耳乃今重內輕外而激揚之權總歸御史矣

巡鹽察院在宗陽宮東舊爲太平興國傳法寺基南宋初晉照法師建 皇明正統三年遣御史巡視兩浙催督鹽課遂改寺爲行臺

清軍察院卽今巡撫都察院也舊爲三皇廟廢址先是清軍御史寓西天寺正德間改建于此布政使司宋南渡初爲殿司寨尋改安撫司治復改秘書省元至元間遷江淮行省于此總兩浙

福建江西四道并開元宮址廣之至正十九年  
析福建一道置行省 國初天兵平浙因元舊  
置浙江行中書省洪武九年改承宣布政使司  
置左右布政使叅政叅議十五年割直隸嘉湖  
二府來屬屬府十有一州一縣七十五司內有  
紫薇樓門外百獅池皆宋元故稱蓋紫薇中書  
省之號而百僚師帥亦宰相之法像也樓後有  
山疊石倉翠嘉樹森列乃元時丞相別兒怯不  
花所治山下有松化石節理宛然枯枿也經歷  
司照磨所理問所司獄司廣濟庫皆在司內

宋秘書省以藏累朝御著信史古書彙器名畫汪  
京建于禁中紹興初寓法惠寺十三年始建于  
此省內有右文殿秘閣國史院道山堂著作之  
庭國史日曆所書庫寶庫群玉堂席珍亭渾儀  
臺其前有方等院○淳熙五年九月二十日孝  
宗臨幸秘書省賜丞相史浩以下官詩云玉軸  
牙籤煥寶章簪紳侍列映秋光宴開雲閣儒風  
盛坐對蓬山逸興長稽古右文慙菲德禮賢下  
士法前王欲臻至治觀熙洽更罄嘉猷爲贊業  
著作權禮部郎呂伯恭和云麟閣龍旗日月章

中興再見赭袍光仰觀焜燿人文盛始識扶持  
德意長功利從今卑管晏浮華自昔陋盧王願  
將實學酬天造敢効明河織女襄文獻詩二首  
云麟臺高柳識瑀輿共記中興幸省初黃道再  
傳天子蹕青編重入史臣書霽雲下際君恩盛  
晨露高張樂節舒若寫鴻猷參大雅定非周鼓  
頌畋渙又云紫清丹極與天隣闔闢乾坤繫吠  
顰獨爲斯文回一顧坐令吾道重千鈞先王舊  
物參差見列聖明謨次第陳墨客區區感榮遇  
豈知深意在羹綸○周公謹遊秘書省記云乙

亥歲秋監丞黃汝濟以蓬省勾點邀予偕行予  
于是具衣冠望拜右文殿然後遊道山堂堂故  
米老書扁後以理宗御書易之著作之庭胡邦  
衡所書曰蓬巒曰群玉堂堂屏坡翁所作竹石  
相傳淳熙間南安守取之長樂寺壁間去其故  
土而背施髹漆匣以持獻曾海曾俎復獻韓平  
原韓誅簿錄送官左爲汗青軒軒後多古桂兩  
傍環石柱二小亭曰蓬萊曰濯纓曰方壺曰含  
章曰茹芝曰芸香射亭曰繹志曰采良門采良  
二字莫知所出登渾儀臺觀銅渾儀紹興間內

侍邵諤所爲精緻特甚色澤如銀如玉此器凡  
二一留司天臺一留此以備測驗最後步石渠  
登秘閣兩旁皆列龕藏先朝會要及御書畫別  
有朱漆巨匣五十餘皆古今法書名畫也畫皆  
以鸞鵲綾象軸爲飾有御題者則加以金花綾  
每卷表裏皆有尚書省印防閑雖其嚴而往往  
以僞易真殊不可曉其佳者有董源畫孔子咲  
魚丘子圖唐摹顧愷之洗經圖此二圖絕高古  
李成重巒寒溜孫太古誌公展子虔伏生無名  
人三天女亦古妙燕文貴紙畫山水小卷極精

水關同山水胡環馬陳晦栢文與可古木便面  
亦奇餘悉常品不滿十焉暇日想像書之以爲  
平生清賞之玩也

布政分司五曰管糧道在峨眉山麓曰杭嘉湖道  
在朝天門外爲巡視都察院元時西天寺舊  
基也延佑間建僧板特遵降香普陀山過錢唐  
建此曰金鑑道在太平坊舊爲鎮守府後宅  
曰溫處道在太廟儀門外曰寧紹台道在運司  
河下

都指揮使司本  
政院也洪武三年置杭州

衛都指揮使 時徐司馬以其故址開建八  
年改爲浙江 都指揮使司設都指揮使同知僉  
事而王誠陳 拓大垣解遂以前右二衛附  
焉其經歷司 司獄司皆在司內  
都轉運鹽使司 在金門內本宋轉運司治也太  
平興國二年開署于鳳凰山雙門內熙寧間徙  
建今所職司漕輒訊訟牒諏民利病領郡縣學  
校應詔選士其權甚重鹽課特其瑣事耳元至  
正十四年改爲都轉運鹽使專掌鹽課 國朝  
因之設運使同知副使判官經歷知事

杭州府自吳越王已前在鳳凰山下宋南渡取爲  
行宮徙州治于竹園山淨因寺故址元時改爲  
杭州總管府 皇明改爲杭州府設知府同知  
通判推官屬縣九經歷司照磨所司獄司皆在  
府內其府治正廳元時扁曰宣化後堂宋時扁  
曰簡樂洪武十五年郡守阮友竹扁曰思政嘉  
靖二十一年郡守陳仕賢建別館于儀門之外  
扁曰親賢宋有中和堂間樂堂見廉堂聽雨軒  
恕堂愛民堂承化堂三桂堂史隱堂講易堂清  
明平軒景蘇堂玉蓮堂香遠樓並廢○中和堂

舊在鳳凰山府治嘉寧間安撫趙時侃建之以  
存舊跡簡樂堂卽今後堂是也時光宗以太子  
領尹奏書有訟簡樂清百姓和樂之語後二年  
郡守胡與可乃撫簡樂二字扁于堂且丐御書  
司業薛元鼎爲之記見廉堂咸淳間安撫潛說  
友得鹽書有足見廉能之褒遂建堂而扁之曰  
見廉聽雨軒景定間安撫劉良貴建恕堂紹定  
間安撫金天錫建愛民堂淳祐間安撫趙與憲  
建承化堂三桂堂嘉定間安撫袁韶建吏隱堂  
紹興間安撫張澄建講易堂卽吏隱堂也隆興

初陳輝改建清明平軒潛說友建景蘇堂景定  
間安撫魏克愚建以文忠公嘗守郡有治績也  
至蓮堂亦舊府治所有後守重建于此魏克愚  
徙之錢唐門外潛說友遂卽其廢址爲香遠樓  
高出城表平挹西湖山翠橫陳芙蓉布渚香遠  
而益清爲郡署最勝

杭州前衛指揮使司舊在錢唐門太平坊洪武八  
年徙都指揮使司大門之左統五千戶所  
杭州右衛指揮使司舊在泰和坊洪武八年徙都  
指揮使司大門之右統五千戶所



仁和縣舊名錢江縣吳越時在梅家橋西宋紹興三年遷觀橋東招賢坊元初遷于府左 皇明洪武初復遷招賢四年知府劉文以縣附府爲便仍遷府左乃元時錄事司舊址也宋有無倦堂安敬堂

錢塘縣漢魏時在靈隱山麓平帝時更名泉亭尋復名錢唐徙錢湖門外唐武德四年避國號改唐爲塘徙錢塘門裏宋南渡後建景寧宮復徙紀家橋華嚴寺故址 皇明洪武四年知府劉文徙于府右宋有畫簾堂勤清軒

杭州府儒學在運司河下府治之東宋初在通越門外鳳凰山之右紹興元年徙建于此并令府治皆淨因寺舊基也嘉定九年教授袁肅黃顥言于朝拓大之楊簡爲記紹定四年戶部侍郎余昉增置學田周端朝爲記元至正十二年燬於寇守臣帖睦烈思贖禮佛寺之南得地八丈提舉王大本爲記二十二年又燬守臣夏思忠盡贖禮佛寺地南北二百步東西一百六十步提舉楊嗣爲記 皇明洪武八年重新之未樂十八年火宣德初大理寺卿熊槩以上命重

建正統元年按察使軒輓增建號舍其制左爲大成殿右爲明倫堂卽宋時養源堂也宋有八齋曰進德曰興能曰登俊曰持正曰崇禮曰賓賢曰志道曰尚志元減爲六又減爲四曰志道曰據德曰時習曰日新今仍之後爲崇文閣卽宋時稽古閣也俗稱尊經閣內有宋高宗御書易詩書左氏春秋中庸大學學記儒行經解論語孟子等篇石刻臨安府尹趙璠老于太學建尊經閣積墨本閣上奠石刻閣下宋亡學廢元改爲西湖書院 皇明改仁和縣學後學徙而

石刻從之正德十三年提學副使徐蕃徙置府學而聖賢像贊宋理宗道統十三人贊蘇子瞻表忠觀碑皆在焉學前爲凌雲橋卽宋志所稱凌家橋○昌文侯祠本學土神也侯爲徐文慶宋岳武穆王飛部將有戰功飛死侯遂不祿孝宗理飛冤褒崇及其部將遂賜侯爲昌文侯牒克太學土神今仍奉祀焉○鄉賢祠在儀門外舊祀嚴子陵以下一十六人 皇明洪武中教授徐一夔增祀六人漢處士富春嚴光晉臨海太守錢唐范平晉中尉錢唐褚陶晉處士富春

孫晷齊處士鹽官顧歡梁參軍錢唐褚修梁處  
士錢唐范琰唐右僕射錢唐褚遂良唐禮部尚  
書鹽官褚無量唐大都督鹽官許遠唐諫議大  
夫給事中新城羅隱宋侍中臨安錢惟演宋和  
靖先生錢唐林逋宋知制誥寓富陽謝絳本陳  
郡人宋諫院臨安錢彥遠宋八行先生仁和崔  
貢宋府學教授錢唐吳師仁宋贈太師鹽官張  
九成宋工部侍郎臨安滕茂實宋端明殿學士  
於潛洪咨夔宋吏部侍郎臨安俞烈宋知處州  
事昌化章樵宋刑部尚書餘杭趙汝談宋刑部

侍郎寓鹽官楊由我本汴人宋將作監丞富陽  
李鞞宋右丞相富陽李宗勉宋處士寓錢唐謝  
翱本閩人宋處士昌陽朱清元尚書右丞富陽  
葉李元石塘先生禹錢唐胡長孺本永康人元  
湖南肅政廉訪使禹錢唐鄧文原本綿州人元  
處士寓錢唐劉蕙本莆田人元處士錢唐劉汶  
元江浙儒學副提舉錢唐白珽元溧陽州儒學  
教授錢唐仇遠元處士錢唐吾衍元寧國路推  
官寓錢唐楊載本浦城人皇明四川按察司  
僉事仁和王琦

仁和縣儒學宋紹興二年縣令孫廷直始建于觀  
橋之北卽今貢院基是也洪武十一年教諭沈  
尊訓導卜楚瞿佑炳其卑隘而宋太學在前洋  
街元改爲西湖書院者頗弘敞尊等言于朝請  
改爲縣學 上許之天順三年巡按御史閻厲  
以其迫近臬臺乃從府學之右本元時試院也  
中爲明倫堂卽宋時藝訓堂宋爲四齋曰教文  
教行教忠教信元因之今減爲二齋曰正心誠  
意

錢唐縣學宋紹興間建于長生老人橋西嘉熙四

年趙與權斥大其址至正十二年燬于兵 皇  
明洪武三年知縣邵復亨以湫隘購地佑聖觀  
之西遂以建學九年僉事潘繼祖重新之正統  
初按察使軒輓增建號舍爲門曰集賢景泰間  
副使鄺彥譽增置什物宋分六齋曰友善辯志  
教文教行教忠教信元減爲四今減爲二曰進  
德修業

織造府在旗纛廟西掌供 御用袍服以中官掌  
之洪武二年初建織染局于斯如坊朱家橋永  
樂中因地卑濕分撥工料於湧金門建局織造

遂以舊名南局此名北局後南局盡廢而工料併歸北局

吳山書院故鎮守府也元時為平準行用庫俗稱

倒鈔庫 國初因之正統間命內臣鎮守各省

改為府署嘉靖間革除鎮守改為吳山書院

市舶司本宋德壽宮後園也永樂中命內臣掌海

舶互市于此內有芙蓉石高丈許竇穴玲瓏蒼

潤可愛嘉靖中改為南關公署

杭州府稅課司在文錦坊西洪武五年建

武林驛在芝松坊吳元年建于武林門外洪武二

年徙建于此

鹽倉批驗所在艮山門內元時名檢校批驗所

國初因之洪武十五年改今名

惠民局在吳山書院北洪武十七年置醫學于此

西湖遊覽志第十六卷

南山分脉城內勝蹟

祠廟

錢唐田 汝成 輯撰

旌德觀蕭相國廟關王廟助聖廟東平忠靖王廟千  
 勝將軍廟鄴侯祠金華將軍廟昭節廟三忠祠忠烈  
 祠廣福廟旗纛廟忠祠揚清祠三太傅祠褒忠祠  
 旌德觀在保安坊內舊名先賢祠宋寶慶二年京  
 尹袁韶建於此以祀鄉名士烈女共三十九  
 人人各為贊名士為唐時陽城許由漢時富

春巖光吳時餘杭凌統晉時錢唐范平褚陶富  
春孫惠宋時錢唐范叔孫餘杭卜天與齊時錢  
唐杜京眉褚信王鹽官顧歡梁時錢唐范述曾  
范元琰褚脩唐時錢唐褚亮褚遂良鹽官褚無  
量許遠於潛帝成緬後梁時臨安錢鏐新城羅  
隱宋時錢唐錢俶錢彥遠錢明逸錢勰林逋郎  
簡沈文通吳師仁虞奕仁和崔貢餘杭陸詵鹽  
官張九成富陽謝絳烈女則晉時富春孫夫人  
唐時錢唐馮孝女等明年詔易其額曰旌德觀  
中書王瑩爲之記元時改建今所 國初燬成

化十一年道士許道昌史志中重建時參政張  
寰僉事李瓚倡義助之停烈女之祀而增府學  
所祀鄉賢共五十五人

蕭相國廟在弼教坊內以奉漢鄼侯蕭何者宋時  
廟在汴京南渡後建廟於此蓋戒民坊爲戮人  
之市而蕭何定律令平刑獄義有所取耳嘉靖  
十四年燬道士蔡如樟重建

關王廟在義和坊以奉漢漢壽亭侯關雲長者宋  
嘉定間建元末燬洪武三年道士吳一清重建  
助聖廟在忠清里以祀唐僕射褚遂良者遂良字

善登錢唐人博涉文史工隸楷真觀中累遷起居郎侍書在任多讜言太宗欲自觀史遂良諫言未聞天子自觀太宗曰朕有不善卿必記也對曰臣職載筆君舉必書時魏王泰禮秩如嫡遂良諫太子諸王宜有定分太宗嘗恠舞造漆器禹雕其刃諫者十餘不止遂良曰奢靡之始危亡之漸也漆器不止必金爲之故諫者救其源時皇子皆外任都督刺史遂良諫曰刺史民之師帥也臣謂皇子且教以經學養成德器審堪臨州然後遣帝許立魏王泰爲嗣遂良曰若

必立泰非別置晉王不可帝卽詔長孫無忌房玄齡與遂良等定策立晉王爲皇太子帝欲自討遼東遂良言非萬乘六師所宜行進黃門侍郎參綜朝政高麗逆臣莫離支貢金遂良引魯納郃鼎之事諫止帝于寢宮側別置院居太子遂良上諫父子滯愛者多愆拜中書令帝疾召遂良無忌受遺詔高宗卽位拜右僕射帝將立武昭儀遂良曰皇后無他過不可廢昭儀昔事先帝今立之宗天下耳目何遂良因致笏殿階叩頭流血曰陛下此笏乞放歸田武氏立遷



潭州都督徙桂州貶愛州刺史卒父亮散騎常侍弘文館學士祖珍陳祕書監曾祖蒙梁太子中舍人高祖湮梁御史中丞並著名前史

東平忠靖王廟在秀義坊內以奉唐將張巡許遠南霽雲姚閻雷萬春者巡南陽人遠鹽官人天寶十五載安祿山反時巡爲真源令起兵討賊守雍丘與賊將令狐潮大小數百戰帶甲而食裹瘡而鬪時有大將六人以勢不敵白巡請降巡陽許諾明日設天子像率軍士朝之人人盡泣巡引六將責以大誼斬之士心益勸戰守積

六旬馬裁二百具三千遂至睢陽與太守許遠城父令姚閻等合遠與巡同年生而長巡呼爲兄遠自以材不及巡讓巡而居其下巡受不辭霽雲萬春咸彊毅善射時賊將尹子琦楊朝宗等以十餘萬衆圍困睢陽經年乏食士日賦米一勺斲木皮革紙而飽者才千餘人皆癯劣不能殺救兵不至巡出愛妾烹以啖衆遠亦助以奴僮至羅雀掘鼠煮鐵弩以食巡遣霽雲如賀蘭進明乞師不得請進明饗之業作霽雲泣曰昨出睢陽時壯士不粒食已盡今大夫兵不

出而廣設警藥我下不心極草盡一更禁下咽因拔  
佩刀斷一指卒不食去賊知外援絕圍益急士  
病不能戰巡西向拜曰孤城備竭弗能全臣生  
不報陛下死為鬼以薦賊城遂陷與遠等俱被  
執巡罵賊不屈與霽雲萬春閻等三十六人皆  
遇害尹子琦送遠洛陽至偃師亦以不屈死後  
封巡東平王諡忠靖唐史贊曰張巡許遠可謂  
烈丈夫矣以疲卒數萬嬰孤墉抗方張不制之  
虜鯁其喉牙使不得搏食東南牽掣首尾壓潰  
梁宋間大小數百戰雖力盡乃死而唐全得江

淮財用以濟中興引利償害以百易萬可矣巡  
先死不為遽遠後死不為屈巡死三日而救至  
十日而賊亡天以完節付二人界名無窮不待  
留生而後顯也廟建于宋建炎二年元末燬  
皇明洪武三十年里人吳興捐貲重建布政使  
王鈍為記金龍四大王祠萬曆間建沈友儒記  
千勝將軍廟在新安坊其神張亞夫者巡子也拜  
金吾大將軍立廟雒陽宋南渡時元汴京有廟  
者皆得祀于杭故建廟于此元元統間燬 皇  
明洪武間僧廣成重建

西清志卷之十一  
五  
鄴侯祠在井亭橋西鄴侯李泌守長源京兆人唐  
玄宗時以奇童召見及長博學善治易嘗游嵩  
華終南間慕神僊不死術天寶中待詔翰林楊  
國忠等嫉之斥置斬春郡肅宗卽位泌謁見陳  
天下所以成敗事帝悅欲授以官固辭願以客  
從入議國事出陪輿輦衆指曰着黃者聖人着  
白者山人帝聞因賜金紫拜廣平王行軍司馬  
益親信用事李輔國嫉之泌畏禍願隱衡山有  
詔給三品祿賜隱士服爲治室廬泌嘗取松樛  
枝以隱背名曰養和後取如龍形者因以獻帝

四方爭效之代宗立召至舍蓬萊殿初泌無妻  
不食肉帝強詔食肉納婦焉元載惡不附已出  
爲江西觀察使判官載誅帝詔還復爲常衆所  
忌出爲澧朗峽團練使徙杭州刺史有惠政鑿  
六井引西湖水入城市以便民取汲德宗在奉  
天召授散騎常侍貞元三年拜中書侍郎同中  
書門下平章事累封鄴縣侯未幾卒史臣贊曰  
泌之爲人也異哉其謀事近忠其輕去近高其  
自全近智立位建上宰近立功立名者觀肅宗  
披榛莽立朝廷單言暫謀有所寤合皆付以政

當此時泌于獻納爲不少又佐代宗收兩京獨  
不見錄寧二主不以宰相器之耶德宗晚好鬼  
神事乃獲用蓋以恠自置而爲之助也鄴侯旣  
薨杭人感其忠立祠于此異以僧舍俗稱西井  
寺宋淳熙十一年賜安國羅漢教寺額景定五  
年改嘉澤廟元季燬祠廢而寺猶存成化間都  
指揮王景端重繪侯象布政使楊維高拓故祠  
而奉之至今祠寺並建祠前有井徑丈許底與  
湖通鄴侯所鑿也井中金王魚數百頭游泳喁  
噉滋孔日繁

金華將軍廟在湧金門內其神曹杲者真定人仕  
後唐爲金華令時郡兵叛杲以計平之吳越王  
嘉其功就擢婺守宋初吳越王入朝委以國事  
遂卽城隅浚三池引湖水入城以便舟楫王歸  
嘉之題曰湧金立石池上杲卒郡人立祠祀之  
昭節廟在保安坊其神曰喬亢陸軌襄漢人仕周  
爲殿侍東三班宋太祖受禪自宣祐門入守者  
拒弗納乃自移門入旣受朝賀卽召宣祐門守  
者一班皆自殺太祖太驚趨救之得不死者二  
人詢之乃喬陸也改班長入以青紅二色帛爲

一 帽飾二人既出復自殺太祖義之命立祠祀之  
南渡後立廟于杭州適郡城大火空中見青紅  
二 旗書喬陸二字火遂息民益神之事聞孝宗  
賜額曰昭節

三 忠祠在羲和坊東舊名旌忠廟今覺苑寺是也  
其神曰高永能景思誼程博古宋元豐間同爲  
統軍禦虜銀川戰死廟食于鳳翔和尚原宣和  
間方臘寇睦州討捕者禱神而勝敵上其事始  
封爲侯南渡後張浚吳玠總兵鳳翔神屢以陰  
功助武朝議嘉之加封王爵建廟于望僊橋北

額曰旌忠俗稱三聖廟今三聖橋是其所也高  
宗將建德壽宮徙置今所廢覺苑寺以居之  
皇明宣德中重建覺苑寺遂奉神爲寺土神  
忠烈祠在衆安橋南以祀宋封繼忠侯岳雲烈文  
侯張憲者雲乃武穆之子憲爲武穆部將或云  
其壻也此橋爲二侯就戮之所里人憐其冤立  
祠祀之正德十五年巡鹽御史劉藥拓大其基  
叅政鄒虞爲記

廣福廟在鹽橋上其神曰蔣七郎崇仁者里人也  
仗義樂施做常平法以家貲糴穀賤糶以救貧

者其第崇義崇信亦水只志行之六七十年規  
以爲常里人德之比卒即其家立祠祀之有禱  
輒應咸淳初京尹潛說友請于朝賜廟額曰廣  
福封崇仁孚順侯崇義孚惠侯崇信孚佑侯淳  
熙間京尹韓彥質將改作其祠神忽憑老兵言  
願徙橋上遂立廟焉士女爭趨之日擁隘橋東  
西十餘丈至不得旋踵兩街沽酒作餐餌鬻象  
馬錢二三十家供給不暇至今父老言神異事  
甚多而石塘胡長孺爲神作傳述宋時劉宗申  
事獨著云劉宗申者暴戾士也以縱橫說游蜀

荆江淮間客李曾伯所怨曾伯子杓誣以陰事  
罪至死曾伯納官以贖猶除杓名劉借七寶寺  
館焉買妾置券盛陳金銀器飲食妾父若牙僧  
夸示多藏奴薛榮刺知藏處夜懷刃入劉卧中  
殺劉揮取藏物逃去捕急臨安尹韓君矢侯曰  
三日不獲榮夷廟毀像榮卜往崇德利韓君亦  
卜往崇德必見獲已而往崇德果獲榮榮自言  
逃時常彷彿見邏人從而後以故不能去其自  
疑若有攝者然也胡長孺曰前此四十四年在  
虎林聞故老誦說趙忠惠公爲臨安尹會城中

見口日食文思院米三千石民間又藉北關天  
宗水門米船入四千石乃爲平糴倉二十八廩  
於鹽橋北糴湖秀蘇常州米置碓房春治精善  
歲六十萬石輒取賤價糴與民竟尹去十三年  
米價不翔民不食糲惡駟僧不罹刑今口籍除  
去乘來與故時無懸殊若牧守人効忠惠時規  
模民亦効孚順候昆季飢歲尚使勿知况平歲  
耶

旗畫廟洪武三年建于都督府後以祀軍牙六  
之神每歲驚蟄霜降祭之八年都指揮使徐司

馬改建于普濟橋東詔停春祭歲霜降先一日  
本司以所製軍器遠城迎之鼓吹殷作謂之揚  
兵至日乃祭

憐忠祠在清河坊內以祀 皇明贈太傅于肅愍  
公謙者正統十三年 典廟北狩謙以兵部尚  
書當國有功竟以誣戮弘治初勅建憐忠祠于  
其故第

楊清祠在褚家塘以祀 皇明四川按察僉事王  
琦南京刑部郎中項麒者琦字文璉錢唐人永  
樂間舉于鄉除汝州學正尋授監察御史陞山

西按察僉事提督學校以母憂去起復四川整飭兵備非其好也乞歸歷官清白家無石儲衣敝以紙補隙嘗歲暮大雪僵臥數日人有憐而餽食者致恭則受稍怠即辭卻之曰吾不忍啖嗟來也郡守胡濬聞而餽之百金不受乃述其清行聞于朝以上命賜之琦復辭曰祿以養士未聞養民也無功而食將無愧于心乎士流莫不嘆服竟以飢寒發病卒麒字文祥仁和人景泰間以貢士授南京吏部司務遷工部營繕司員外郎成化初以母病乞改南京授刑部福建

司員外郎陞江西司郎中以病告歸雅操尚潔不入公府嘗不給于饗餐而吟詩鼓琴晏如也巡臺潘臬若郡縣之長欣覲高標而麒終不肯屈節往見正德二年平湖令甯某被逮于臬司憲長邵公諭之曰何不學項正郎清白正人在邇而不往親炙自忍點染何也甯頓首出齋百金入贄于麒麒厲聲曰君事果在法司自能直之苟不枉則受罪乃其所也旣剥民以自饑復以饑已者饑人是誠何心哉甯赧汗而退明日麒無疾而卒年八十有二正德十六年御史唐



鳳儀廉二公清節以其與褚僕射同里也表其  
閨曰忠清里嘉靖十一年錢唐令王欽立二公  
神位于褚祠併祀之二十三年提學副使孔天  
胤郡守陳一貫以凝真道院奉二公題曰揚清  
祠

三太傅祠在薦橋東舊十方寺基也當熙春橋西  
元僧也里可溫建久廢嘉靖二十一年吏部侍  
郎謝丕建祠以奉晉贈太傅謝安宋贈太傅謝  
深甫 皇明贈太傅謝遷者安字安石金陵人  
年四歲桓爨見而嘆曰風神秀徹當不減王東

海及總角神識沉敏風宇條暢善行書王導深  
器之寓居會稽與王羲之及高陽許詢桑門支  
遁游處出則漁弋山水入則言詠屬文無用世  
意屢召不起有司劾請禁錮終身安遂往臨安  
山中坐石室臨濬谷悠然嘆曰此與伯夷何遠  
安雖放情丘壑然每游賞必以妓女從既累辟  
不就而安妻者劉惔妹也見家門富貴而安獨  
靜退乃謂曰丈夫不當如此耶安掩鼻曰恐不  
免耳年四十餘始有仕進志征西大將軍桓溫  
請爲司馬將發新亭朝士咸送中丞高崧戲之

四清志卷之六  
十一  
曰卿累違朝旨高臥東山諸人每相與言安石不肯出將如蒼生何蒼生今亦將如卿何安甚有愧色頃之拜侍中遷吏部尚書桓温卒進安中書令尋拜衛將軍開府儀同三司時符堅率衆號百萬次于淮淝京師震恐凡子玄入問計安夷然無懼色荅曰已別有旨既而寂然玄不敢復言乃令張玄重請安遂命駕出山墅親朋畢集方與玄圍棋賭別墅安常棋劣于玄是日玄懼便爲敵手而又不勝安顧謂其甥羊曇曰以野乞汝安遂游涉至夜乃還指授將帥各當

其任玄等旣破堅有驛書至安方對客圍棋看書旣竟便攝放牀上了無喜色圍棋如故客問之徐荅云小兒輩遂已破賊旣罷還內過戶限心喜甚不覺屐齒之折其矯情鎮物如此薨贈太傅謚曰文靖○深甫字子肅台州臨海人少穎悟刻志爲學舉進士調嵎縣尉越帥方滋錢端禮皆薦深甫有廊廟才調崑山丞爲浙漕考官一時士望皆在選中司業鄭伯熊曰文士在不乏求具舉如深甫者實鮮深甫曰文章有氣骨如泰山喬嶽可望而知以是得之知青田縣

御史葛邲等薦之孝宗召見奏對雍容除籍田  
令紹熙改元權給事中會韓侂胄破格轉刺史  
深甫封還內降云侂胄越五官而轉遥郡僥  
倖一啓攀援踵至請罷其命二年知臨安府光  
宗面諭曰京尹寬則廢法猛則厲民獨卿爲政  
得寬猛之中每禁庭燕私左右有希恩澤者上  
必曰恐謝給事有不可耳寧宗朝累拜右丞相  
尋以少傅致仕薨以孫女爲理宗后追封信王  
謚惠正○遷字于喬餘姚人成化十二年舉進  
士第一累官修撰諭德學士進大學士 敬皇

帝晏駕與大學士劉健李東陽同受 顧命輔

毅皇帝即位正德初議政不合致仕歸嘉靖初  
召進少傅兼太子太傅尋薨贈太傅謚文正

褒忠祠在錢塘學宮之東舊爲清軍公館萬曆二

年侍御萬安蕭公廡改祀 國朝革除死事諸

臣脩撰王叔英博士方孝孺副使程本立都御

史陳性善太常少卿盧原質左拾遺戴德彞都

給事龔泰戶部侍郎卓敬盧迥谷府長史劉璟

蕭縣知縣鄭恕東平州吏目鄭華監察御史鄭

公智陝西僉事林嘉猷檄有司以時致祭云云

學士呂本爲之記

西湖遊覽志第十六卷終

西湖遊覽志第十七卷

錢唐田 汝成 輯撰

南山分脉城內勝蹟

道院

宗陽宮龍翔宮靈順宮佑聖觀景隆觀玄同觀紫瓊觀

宗陽宮本宋德壽宮後圃也去吳山東北五百步  
新宮橋之東三聖廟橋之左先是紹興間聖氣  
者言其地有鬱鬱之祥遂建德壽宮高宗禪位  
後居之咸淳四年以後圃築道宮曰宗陽祀感

生帝每過子孟亭車駕嘗臨幸焉有無極順福毓  
瑞申佑景緯筆殿王籟葉簡等樓大範觀化觀  
妙等堂會真澄妙常淨等齋丹丘玄圃等亭皆  
揭以奎藻闢圃鑿池花卉森茂元初燬延祐間  
真人杜道堅重建築老君臺肖老聃像于中旁  
列尹喜辛銜庚乘楚南榮越尹文子士成琦崔  
瞿栢矩列禦寇莊周趙子昂爲之記元季燬洪  
武間葉月庵永樂丙申周道淵官德癸丑沈復  
珰弘治元年沈復純相繼重修內有老君臺得  
月樓○杜道堅號南谷當塗人風度清雅嘗以

中秋集儒彦登老君臺玩月分韻賦詩楊仲弘  
爲絕倡其詩云老君臺上涼如水卧看冰輪轉  
二更大地山河微有影九天風露寂無聲龍蛇  
並起承金榜鸞鳳雙飛載至屋不信弱流三萬  
里此身今夕到蓬瀛

龍翔宮在清湖橋西先是理宗旣卽位詔以沂邠  
爲龍翔宮以祀感生帝宮在後市街其傍別作  
南真館以棲道流錫田千頃元至元間胡僧楊  
璉真伽較糶道度改宮爲壽寧寺住持胡元洪  
力爭于朝僅得田土一千而宇不可復得矣乃

改建今所即故宋楊去王宅第後秦神祠也齋  
居有十日履和觀正全真官休觀妙東明瑤  
中和守正安晚中開曰昭符鐘樓曰和應藏殿  
曰琅函寶藏規制宏麗觀舊益加元統開燬江  
持史景仁重建楊維復葺廣居為之記方丈後  
壘石鑿池蔣蕤青木娑婆翁鬱象海中僊島號  
小蓬山陳旅為之記元末張士誠占為軍器局  
國初住持毛繼祖請於朝復之今為叢林內有  
魚樂軒○楊維禎碑銘云二馬渡江一馬瀟東  
觀邸闢森開張穆將祀之感生皇疾以燦怒靈

威昂十一景緯生寒芒天人南下南斗傍朝興  
龍飛暮龍翔翠蓬二度黃塵揚靈宮突立天中  
央湖眉海眼東西望地柱不傾天乳長黃鬚僊  
伯古冠裳龍腦寶藏聲琅琅上清淨掃赤尾箚  
六龍在天天下昌山君海孤紛來王南極上壽  
日重光○桂衡魚樂軒詩疎簾清簟卷瀟湘讀  
到南華第幾章活水遶門春潏潏游鱗吹浪暖  
洋洋朱紅欄檻通方沼紺碧桃花出矮墻遲日  
沙波牽細荇微風磐石掃垂楊屢分早飯烏麻  
熟曾醉春醪白木香異日鯤鯨終變化當年鷄

犬亦騰驤天寒翡翠毛衣薄月出珊瑚樹影長  
莊子濠間從看去空高海上許騎將梅邊洲者  
渾青淺鴈後蒹葭愈老蒼一曲棹歌聲欸乃三  
生澳父夢滄浪積來皓雪深爲洞留住朝雲巧  
作房王母蟠桃依舊好麻姑麟脯至今藏時迎  
賀客皆英彥日課詩書敢怠荒別有功名期令  
子卧冰無用學王祥

靈順宮在板兒巷旱河頭舊名寶山院宋嘉泰間  
建丞相鄭清之修 皇明正統間真人張澹然  
扁名靈順

佑聖觀在興禮坊內宋孝宗潛邸也光宗寧宗皆  
誕于此淳熙三年改爲老氏之宮以奉北極佑  
聖真君時趙粹中爲吏部侍郎夢有客謁之着  
羽衣長七尺視其刺曰北方鎮天真武靈應真  
君粹中奉神素謹趨下迎揖不敢執主禮神固  
請粹中東向坐曰侍郎今日之事子爲政矣粹  
中局踖而寤明日得旨爲奉安聖像使紹定間  
賜額曰佑聖宮命學士院書之篆書佑字傍無  
人字道流歟然曰宮無人何以自立事聞上特  
許加人字孝宗嘗題杜甫詩于壁云富貴必從

勤苦得男兒須讀五車書理宗又書全篇于東  
宮廳之屏元大德七年燬踰年重建改爲佑聖  
觀基甚宏敞今錢唐學舍皆其地也元季兵火  
此觀獨存 皇明洪武十五年置道紀司于觀  
中元時有道士王景周者開東閣以居卽今錢  
唐公館是也蘇伯衡爲之記畧云王景周居佑  
聖觀之西廡居之東有地二畝而蕪剪荒剔翳  
以爲圃修竹數百竿夷其中可列坐風月之夕  
或觴或奕無適不宜曰洗竹亭亭之右隱阜絕  
起有樹鬱然則七葉木也曰七葉坡由坡而西

有屋兩楹中皮髹几琅函森列曰禮經筵筵后  
重屋朱甍碧瓦翔于物表白雲依簷君思親之  
不可見則泫然出涕曰夢雲樓樓之下簷之外  
深榭翬飛護以欄楯傍植葡萄萄蔓延其上彌布  
四阿清風自生日影不下曰清暑簷簷之外黃  
精蒼耳白朮紅藥椒蘭芎芷杞菊之屬雜然並  
蒔秩若布卦曰種藥畦中畦築園基而墁以甃  
一鶴棲息其上甚馴曰馭鶴臺臺側鉅石虎蹲  
可踞而吹笙曰吹笙石石側冬青十餘株離立  
若相峙而高皆數丈蒼翠掩映下甃小徑曰冬



青逕逕南出直小園有井焉甘冽異常得開元  
宮浴鵠池八稜石欄置其上曰天一泉就而洗  
藥郁烈四達好事者比之神漢曰洗藥井○石  
欄上刻虞伯生天一泉銘蓋開元宮故物也銘  
云大荒南陲元氣積陰關闔扉陽洞開曲穴流  
泉保靈宅任君來餌黃赤石天一名錫天元冊  
曲阿受養良有擇構官方嚴自王伯清蹕臨止  
靈響格虛林森爽化赫奕福鄉帝子發甘液不  
食何年喪遺甕白雲映空王清容開元全盛煩  
百役持節勞午文縑辟爾來蕭條世代隔石磴

刻文未漫畫誰其啓之規古昔句曲外史美冠  
烏研書千卷視貞白天真景隨玄系繹金室王  
堂萬無斁

景隆觀在保民坊板兒巷宋嘉定十四年詔以舊  
修內司改建名通玄庵在新門外寧宗書景命  
萬年閣元末築城移入城內尋燬于兵成化八  
年史志中重建

玄同觀在癸辛街元至元間都道錄郎如山建大  
德間賜額尋燬 皇明宣德二年道士殷大宗  
重建內有瞰碧園清麗可賞

紫瓊觀在鹽橋南荷池上元延佑間真人吳全節

建

長春庵凝真庵純陽庵玉陽庵奉真院玄真院洞玄院崇善院顯真院洞真院真濟院上真院白馬廟華光廟五顯廟廣福祖廟舊城隍廟

長春庵在相安巷元延祐間有姚真人者錢唐人  
家業溫飽其妻蔡氏一旦語其夫云欲脫俗修  
真以家業二分畀夫取妾為成家之計自以其  
一建庵為修養之需夫曰汝既修真吾無子女  
何忍獨墮俗緣耶蔡氏然之乃曰修真不宜夫

婦同處與夫各建一庵于西城下夫庵在妙心  
寺北曰長生妻庵在洪福橋西曰長春夫妻皆  
證道妙時謂之雙修云蔡氏號冲靜弘治十一  
年賜真武像王樞經于庵內楊廉夫詩云夜坐  
清都鶴夢長碧天如水月蒼蒼雲和有藥降王  
母霹靂無車喚阿香雪泛玉甌茶吐味花零金  
剪燭生光僊風不動庭前竹又送微鐘到下方  
趙子昂詩云流水橋西一徑斜青衣相接到僊  
家香分橄欖燒銀葉酒瀉松脂溢紫霞綠竹滿  
堦初解籜碧桃幾樹正開花何時脫却塵凡累

來叩丹房九轉砂聶大年詩云葉宮琪樹罷樓  
鸞空有玄都太上壇野老不尋餐王訣山人自  
製切雲冠杖龍化上秋池湘篴鶴歸來夜月寒  
前度劉郎偏好事種桃留與後人看

凝真庵在忠清里內元至元庚子杭州大疫里人  
馬均禮延紫陽庵道士姚懶朴作法治之境內  
以安里人共購地結庵以奉懶朴洪武十八年  
徐道直等正統二年蕭自然等成化十年屠宗  
善等相繼重修

純陽庵在忠清里小巷元至正間建特進神僊重

玄子書弘治三年道士姚德恂重修

玉陽庵在馬市巷

奉真院在下馬坡巷洪武十六年道士李道椿建  
有巢聖樓景泰初燬重建

玄真院在雙茶坊巷內元至正間建尋燬洪武二  
十九年重建有來翠樓方井丈餘雖旱不竭

洞玄院在惠民坊北元延祐間建

崇善院在淳祐橋側元延祐間建

顯真院在慶春門內

洞真院在褚家塘末紹興間建

真濟院在梅東橋東本紹興二年建

上真院在裴駕橋西南宋建炎二年郡人錢隆捨宅建

白馬廟在七雷山之東麓宋建炎間以祀磁州崔府君者詳見顯應觀

華光廟在普濟橋上本名寶山院宋嘉泰間建紹興初丞相鄭清之重修以奉五顯之神亦曰五通五聖江以南無不奉之而杭州尤盛莫詳本始搜神記所載妄誕不經而宋朝會要亦不詳載姓氏或曰五顯五行之佐也而五通非五顯

也宋政和元年詔毀五通淫祠則五通非五顯明矣豐樂橋上亦有華光廟

五顯廟在里仁坊內元元統二年建元末燬國初王瑞雲重建正統中吳玄理趙道純復拓大之又燬郭廷輔重修五顯者五行之佐也無姓氏可考宋時賜號曰顯聰昭聖字仁福善王二曰顯明昭聖字長福順王三曰顯正昭聖字智福應王四曰顯昭聖字愛福惠王五曰顯德昭聖字言福惠王五下對號皆有顯字故謂之五顯廟云

廣福祖廟在鹽橋東南卽蔣七郎家祠也每歲六月九日郡人以神誕日奉香火  
舊城隍廟在羊市宋紹興元年建以祈蚕穀國朝永樂末年憲使周公以直道被法後爲杭州城隍神數見盼蠻杭民因奉其主爲新城隍而改奉舊主於此爲舊城隍廟

覽志第十七卷終

西湖遊覽志第十八卷

錢唐田 汝成 輯撰

南山分脉城内勝蹟

佛刹

演教寺水陸寺祇園寺東園寺姚園寺慈雲寺金剛廣福寺六慈庵靈芝寺長明寺惠林寺普慈寺悟空寺相國寺華藏寺佛慧寺儒林慈恩普濟寺七寶寺潮鳴寺法雲寺崇恩延福院妙慧院廣壽慧雲寺普照院長生寺法明寺白蓮寺寶林寺慧安寺西井寺靈壽寺覺苑寺真教寺

演教寺在吳山東北半里許紹興間僧慧海建于  
新門外張氏展城圍入宣德間達禪師正統間  
僧得奉道詔相繼重修兵部侍郎苗衷為之記  
衷錢唐人洪武初徙居鳳陽世居寺南去里許  
兒時讀書聞寺鐘聲即起篝燈矣  
水陸寺在獅子巷宋太平興國三年生法師建咸  
淳間僧師則重修內有銀杏樹二株甚巨蓋宋  
物也寺故在城外張氏展城圍入  
祇園寺在獅子巷西北太平興國間僧清照建舊  
在郊臺側南渡後造御馬院移築于此

東岡寺在獅子巷西宋乾德元年德法師建  
三十二年賜額永樂十八年僧松巖重建

姚園寺在高陽間巷宋初為姚氏花園紹興初僧  
慈昌購園結庵乾道初賜額姚園寺淳祐二年  
建膺福殿以奉理宗御容洪武初僧大雲重建  
慈雲寺在高陽間巷周顯德二年僧圓覺建名慈  
濟宋大中祥符改曰慈雲理宗書靈感道場洪  
武二十四年立為叢林沙門延禮重修嘉靖二  
十年燬僧圓鼎重建

金剛廣福寺在板兒巷唐天威間僧善果建乾祐

二年燬至元十二年重建

大慈庵在墓園巷宋淳祐四年僧德殊建洪武三十四年僧可觀重修

靈芝寺在東花園崇新巷俗稱蠟燭庵唐貞觀間郡人施光慶捨宅建名實際院元季燬元統間僧妙通重建永樂宣德正統間僧能守如真智淳皆以纂修釋典徵入錢唐縣歲造土牛迎春于此元時劉伯溫以行省都事坐法宿庵中簡俊上人詩云城外春江動客愁江邊細草綠悠悠還將短髮臨岐路畏向東風憶舊游斜日遠

天歸鴈急薄雲孤館落花稠青燈不放還家夢一夜腸回一萬周

長明寺在螺螄門內晉天福間建宋開寶四年錢王改名法燈治平二年改長明佛印禪師開講于此元季燬弘治十五年僧如瑛重建

惠林寺在蒲場巷其初與初非僧惠林禪師隨駕來杭建相國元于天慶坊嘉定間移建薦橋門外報國寺其後各惠林元季燬正德間僧入尋燬洪武初僧重

普慈寺在蒲場巷宋紹興間建元季燬元至元

聞僧元忠修

悟空寺在淳化縣東晉天福七年齊教建名崇

新院大中四年齊教建名崇

燬永樂元年齊教重建

相國寺在淳化縣東北百步齊教建天保六年建

名建國唐時燬為鄭景雲宅園景雲初僧慧購為

寺值睿宗由相王即位賜名相國元末燬洪武

初僧大雲重建置僧綱司于內正德八年僧東

明重修

華藏寺在橫河橋東唐肅宗二年吳越王建名報

恩院大中祥符間改今額

佛慧寺在肅義巷元大德間壽法師建洪武二十

四年立為叢林正統十四年林景山重修

儒林寺在安國坊宋紹興三十二年建隆興元年

孝宗賜額曰隆興萬善戒壇淳祐三年理宗賜

額曰飛天法輪寶藏又置鐘銘賜之銘曰大塊

噓噓震薄蓋輿眷此洪鐘以實出虛樂銳其角

十分其鼓豈有鑄鼎收金遺禹博大闡釋厚薄

和均上開天闢下徹地垠乃警聾聵乃割昏曉

咨爾有聞孰不心皎以為有聲匪撞不鳴以為



無聲如雷如霆作鎮梵宮法音無際鞏我神臯  
萬有千禩元至正間張士誠據爲軍器局洪武  
四年重建置僧綱司有司卽其鐘樓爲郡城昏  
昕之節正德間徙其鐘更峙置朝天門仁和縣  
歲造土牛迎春于此

七寶寺在鹽橋北梁貞明七年錢王建名上方多  
福院宋大中祥符間改額有六游堂臨輝閣郡  
守王欽若詩

潮鳴寺在慶春門北舊在門外梁貞明元年建初  
名歸德院高宗南渡駐蹕寺中聞江濤聲以爲

金兵追至也駭之已而問知其故遂賜今名寺  
北有回龍橋高宗嘗作詩賜統制劉漢臣勒石  
寺中其詩云野水參差落漲痕疎林欹倒出霜  
根扁舟一棹向何處家在江南黃葉村洪武二  
十四年立爲叢林

法雲寺晉天福五年吳越王爲詔禪師建至正丙  
申燬洪武九年雙林寺愚禪師重建

崇恩延福院在鹽橋下八界

妙慧院在褚家塘開道元年錢氏建南渡後以其  
地爲御園元至正間復建今併佛惠寺

廣壽慧雲寺在白洋池畔宋淳熙十四年張循王之孫鉉捨宅建寺紹熙元年賜額俗稱張家寺有留雲亭白蓮池元至正間燬洪武十七年僧文嗣重建永樂九年永忠宣德間廣睿弘治元年福海相繼重建○僧梵琦留雲亭詩云人家十戶繡成堆未抵南朝一段奇象輦不來春草綠小亭雲鎖紫珉碑○僧德祥白蓮池詩云念念西池道路賒東池今已種蓮花他時若到西池上應念東池是故家

普照院俗稱報師庵在鹽橋北晉天福八年建洪

武十四年僧正宗重修嘉靖八年燬重建

長生寺在艮山門顯德四年吳越王建南渡後改爲九宮壇齋宮元至元間重建

法明寺在艮山門內宋建炎初建以寓流僧今併潮鳴寺

白蓮寺在僊林橋東晉開運元年吳越王建名華藏院宋治平間改妙惠院咸淳間僧祖顯誦經持戒地產白蓮因賜白蓮妙惠寺額

寶梵寺在沙皮巷晉天福初建崇新門外名崇壽院宋淳熙二年徙建今所崇寧元年賜額寶梵

西華志卷之六  
六  
洪武二十四年併入慈雲永樂元年重歸原所  
尚書夏原吉爲之記

慧安寺在十三灣巷晉天福間吳越王爲明律師  
建于草橋門外羅木管地元季燬洪武初僧得  
實移于錢唐保安坊東永樂乙未又移今所少  
保兵部尚書于謙爲之記

西井寺在井亭橋西詳見鄴侯祠

靈壽寺在曲阜橋東元至正二十一年江浙行省  
左丞相達識帖睦爾建本畏吾氏世族故稱畏  
吾寺俗訛爲義鳥寺洪武二十四年改今額

覺苑寺在豐樂橋東詳見三忠祠

真教寺在文錦坊南元延祐間回回大師阿老丁  
所建先是宋室徙蹕西域夷人安插中原者多  
從駕而南元時內附者又往往編管江浙閩廣  
之間而杭州尤夥號色目種隆準深眸不啗豕  
肉婚姻喪葬不與中國相通誦經持齋歸于清  
淨推其會長統之號曰滿刺經皆番書面壁膜  
拜不立佛像第以法號祝贊神祇而已寺基高  
五六尺肩鑄森固罕得闌入者俗稱禮拜寺



進龍橋近進龍浦

出候潮門爲嘉會橋濟川橋上輓路期清巷蕭公橋  
太平坊信義坊利津橋牛皮街跨浦橋渾水閘菴團  
巷鐵箭巷鐵幢浦

嘉會橋通貼沙河之水入城貼沙河一名裏沙河  
舟筏所經北抵艮山門者

濟川橋在抽分廠前初名樵木橋相傳錢氏偏據  
時旁堆樵木俗因呼之又謂普濟橋或曰因舊  
有普濟寺得名正德六年主事王光佐重建改  
今名

上觀路宋時園丘大路御輦所由也

期清巷有馮公廟

太平坊宋有便門

信義坊俗名筍團巷其傍有連公池

利津橋北為鐵幢

牛皮街上有龍舌嘴

跨浦橋街一名衆義巷

渾水閘下有善利院夫差廟

鐵箭巷相傳為錢王射潮之所劉伯溫錢王箭頭  
歌鷓夷遺魄拘餘怒欲取吳山入江去雷霆劈

地水羣飛海門扶胥沒氛霧英雄一怒天可回  
肯使赤子隨鮫鮓指揮五丁發神弩鬼物辟易  
腥風開三百年來人事改濤落沙平箭空在石  
梁飲羽未足誇蜀國三犀謾欺給近聞黃河水  
亂流青徐一半悲魚頭安得壯士斡地軸為拯  
斯民塗炭憂

鐵幢浦相傳吳越王鏐築塘以捍江水置鐵幢三  
以為水則幢製如杵徑七八寸出土可三尺餘  
其趾入土不知若干初置幢時塘猶未成慮潮  
蕩幢用鐵輪護其趾而以鐵縷貫幢榦且引縷

王湖志卷之十九  
三  
維于上下之捷然後實上築塘故幢首出土耳  
宋淳祐間安撫趙與憲作亭覆幢今亭夷爲民  
居獨存蒞池而鐵幢之首斲出可驗一在舊便  
門東南小巷一在舊薦橋門外皆湮塞無考獨  
在利津橋者僅存而文爲民居所占若不表識  
久亦湮矣

出永昌門爲保安巷新安巷真如巷大通橋映江樓  
保安巷通永昌壩

真如巷內有真如寺

大通橋傍有銀杏樹爲儀舟渡江之所今沙漲去

嶼者二十里矣

映江樓宋時有亭偏曰煙雲魚鳥元至元丁丑燬  
至正庚寅重建扁曰瞰江正德元年太監麥秀  
御史車梁布政使林符等改建層樓扁曰映江  
吏部尚書屠瀟爲記樓側爲宋臨安府城南廂  
廳有左右軍巡使判官掌風火盜賊推鞠及檢  
覆抄劄打量定驗之事凡事之小者皆得專決  
焉蓋古督郵司隸之職也故俗稱兵馬司

官署

工部分司浙江驛浙江亭城南稅課司

工部分司在候潮門外先是漕船木料及京師壇  
殿倉庫器皿等每歲坐派軍民出辦成化七年  
千戶汪禮奏乞于杭州荊州太平等府設關抽  
分商木應用以免軍民之擾朝議從之始有抽  
分之令歲差工部主事主之二十二年差御史  
弘治五年差太監相兼取辦正德十六年專委  
工部至今仍之凡商販竹木十取其一初時解  
銀四千兩遞歲增之乃至一萬四千餘兩

浙江驛在龍山開洪武三年建

浙江亭古之樟亭也白樂天樟亭驛見楊舊詩往

恨今愁應不殊題詩梁下又踟躕羨君獨夢見  
兄弟我到天明睡亦無又宿樟亭驛詩半夜樟  
亭驛愁人起望鄉月明何處見潮水白茫茫鄭  
谷題樟亭驛樓詩故國江山外登臨返照間朝  
來無別浦木落見他山沙鳥晴飛遠漁人夜唱  
閒歲窮歸未得心逐片帆還孟浩然與錢唐令  
登樟亭驛詩百里鳴雷震聞絃暫輟彈府中聯  
騎出江上待潮觀照日秋空迥浮天渤澥寬驚  
濤來似雪一座凜上寒

城南稅課司在浙江亭邊吳元年設于顏樓洪武



西海志卷之十九  
五年改建于此

祠廟

昭貺廟順濟廟順濟聖妃廟協順廟

昭貺廟在渾水關其神張夏字伯起宋景佑間以  
司封郎中爲兩浙漕使江潮爲患故隄率用薪  
土常被衝擊每繕修不三歲輒壞重困民力神  
始作石隄上自六和塔下自東青門延袤十二  
里人感其功爲立祠隄上賜額昭貺土人稱張  
司封廟慶曆二年贈太常少卿大觀二年八月  
封寧江侯改封安濟公紹興十四年增靈感字

三十年增順濟字每潮水啣岍禱之輒應成化  
間江潮泛溢命工部侍郎李顥督治禱神患息  
遂卽舊址重建

順濟廟在清水關其神馮俊字德明錢唐人天資  
剛直幼孤孝母年十八夢上帝遣神易其肺腑  
云將有微命旣寤豁然開明初不習文藝至是  
書傳大義驟皆通曉叩以禍福莫不前知足未  
嘗履闕而人或見之江海上元祐中有舟渡江  
值大風分必死神卽現形雲間自言名氏叱宅  
之頃顛濤帖息又嘗就寢竟日乃醒家人視其

西清卷之九  
六  
嘔吐皆海錯異物怪而問之則云適宴于龍宮  
大觀三年十一月忽語人云上帝命司江濤事  
不得辭越三日不疾而終年三十有六先期旬  
日于清水閘所居西偏自然成域既沒靈異尤  
夥人卽所居祠之紹興三十年賜順濟廟額慶  
元庚申封靈佑公紹定間封英烈王

順濟聖妃廟在艮山門外其神林氏莆田人生而  
靈淑歿遂爲神土人祀之白湖宋宣和五年賜  
廟額曰順濟紹興間建廟于此封靈惠夫人紹  
興三年改封靈惠妃慶元四年加助順勅曰古

以女神列祀典者若湘水之二妃北阪之陳寶  
西宮之女南少嶽之夫人以至丁婦勝姑莫不  
廟食夫生不出閨門而死乃祀食百世此其義  
烈有過人者矣朕惟望舒耀魄其名月妃川祇  
靜波其名江妃爾之封爵旣曰妃矣增錫美號  
被之輪奐崇大褒顯以求厥祀

協順廟在石塚其神陸圭昭慶軍人宋熙寧間以  
祖澤補右爵調真州兵馬都監宣和中引兵進  
攻方臘敗之死而爲神紹興間海濤衝激江岬  
神檄陰兵却潮潮勢遂平淳祐間江湖衝激尤

其隨築隨圮神與三女揚旗空中浮石江面以顯其靈岍賴以成浙西帥臣徐栗以其事聞于朝賜廟額曰協順封神為廣陵侯三女為顯濟通濟永濟夫人一主護岍一主起水一主交澤傍有小廟祀十二潮神各上一時

道院

廣靈廟水府淨鑑院順濟宮

廣靈廟在石塘壩宋景定三年九月潮壞江塘里中耆老因立東嶽温太尉廟請于朝賜廣靈為額咸淳五年封正祐侯餘自李將軍以下九神

皆錫侯爵李孚佑錢靈佑劉顯佑楊順佑康安佑張廣佑岳協佑孟昭佑韋威佑

水府淨鑑院在嘉會門外桐木園乃馬自然修真之所龍德二年錢氏號水府院天聖四年改水府淨鑑院乾道四年安撫周宗建扶桑大帝殿順濟宮在清泰門外東甲隅舊在湯鎮赭山之間曰三龍王廟嘉熙元年賜零壽觀額四年旱禱而雨改賜額嘉定元年九月錫三神侯爵曰廣澤順濟嘉定元年增額曰廣澤靈應順澤昭應嘉定元年應求樂間以擊之徙建今

所天順七年... 臣禱神而壽敘... 江湧塘崩守

佛刹

尊勝寺善應總持菴... 壽寺延聖寺普濟寺... 真如寺正定菴普陀菴... 因果寺寶界寺定香寺月塘寺

尊勝寺在正陽門外尊勝巷故宋福寧殿也元僧楊璉真伽改殿為寺有尊聖塔俗稱白塔西有望江亭內有葫蘆井僧止菴過故宋宮井詩云

上有千尺桐下有千尺井風吹井上桐零落井

中影

善應總持菴在尊勝巷宋開寶六年錢王建于西湖南山曰總持治平二年改寶林院有可賦軒景德間遷建于便門鑲箭巷改善應總持院元至元三十一年復遷建今所張孝禎可賦軒詩光明獵獵上烏巾不那西湖爛熳春借我繩牀對修竹為君一洗軟紅塵淨因寺在正陽門外和肅坊元延祐己未僧斯受等建有銅佛三像銅塔一座元末燬洪武庚午

僧法灩等重建弘治壬子僧宗謚等嘉靖癸卯  
僧鳴奉明濟等相繼重修

浴池菴在甘泉巷元延祐間里人施仲禮捨地僧  
斯受建鑿石爲池構室臨之名曰觀堂嘉靖二  
十六年重修

海鮮寺在海鮮巷元至正元年建洪武三十三年  
重修

福田慶壽寺在候潮門外普濟橋宋寶祐二年徐  
路鈐捨宅建請額曰福田以居白石皓禪師元  
至治間燬泰定間重修復請額加慶壽二字洪

武二十四年立爲叢林

延聖寺在候潮門外宋乾德間吳越王建于清波  
門外名土宿院天聖二年超法師沿江施食以  
濟修堤之士詔移院于今所賜額延聖嘉定年  
間御帶陳王節於寺側建天妃殿崇奉海神元  
元統乙亥重建洪武二十四年立爲叢林

濟寺在候潮門外會濟橋宋太平興國元年建  
理宗元命殿御書曰祈永度宗元命殿御書

元命殿  
順福有閣以奉  
具存元初以

日初重建

下江

在江門

山扁

菴在候潮門外宋大中祥符元年僧堯道夫  
俗初庭建名火星菴宋末燬元大德間僧生禪  
師重建請額曰火星資教院洪武二十四年歸  
併延聖寺

潮音菴在候潮門外元延佑間僧永暹建  
圓通菴在候潮門外宋紹興間僧德厚建  
吉祥寺在永昌門外宋紹興間建于臯亭山咸淳  
九年移建今所洪武二十四年歸併福田寺

真如寺在永昌門外真如巷宋建炎三年僧普惠  
建洪武十三年僧俊堂重修

正定菴在永昌門外陳鐵巷元至正間建  
普陀菴在永昌門外浙江塘元至正間僧立宗建  
永慶寺在清泰門外宋時楊節使香火寶慶二年  
建紹定三年燬景定四年重建元大德至正間

仇大師重建

石寺在慶

外宋建隆二年建于艮山

洪武二十四年

八

重建

木寺在艮山門外晉開運二年錢忠懿王建名  
崇壽宋大中祥符元年改今額元末燬洪武二  
年重建

寶界寺在艮山門外梁貞明間建于城中名翠峰  
宋治平間改今額移建今所

定香寺在艮山門外宋乾德四年建于西湖上今  
定香橋是也名香積院治平二年改今額

間建旌德觀移建今所

月塘寺在艮山門外何衛店宋淳熙間建在月塘  
之北嘉熙三年潮壞徙今所元至正初潮水復  
壞徙高原尋燬洪武間重建月塘者沙田也土  
脉宜瓜宋有周姓者善種瓜號周家算籊瓜

中祥符元年  
元末燬洪武十

